



□ Mwz Sungh / 麦嵩

**It. Majhung**

i: Gou majhung seiz, ndang iq gou ndaej lumj mwngz nei hung. (I)

I: Caj daengz gou majhung seiz, gou couh ndaej youq gwnz biengz neix ndwn laeb maenh lo. (L)

**Ngeih. Byawz Coengmingz**

Cibngeih sengsiu beij coengmingz, byawz yaek hingz?

Dwg guk, aenvih guk miz uk.

**Sam. Duz Beixnuengx Bonjfaenh Nanz****Bauj**

Yaek daengz cieng lo, duz meuz ndeu gaeb ndaej duz nou iq, gangj: "Gvaq cieng couh gwn

mwngz lo." Nou naeuz: "Mwngz gamj gwn gou, mwngz rox beixnuengx gou dwg byawz lwi? Beij mwngz hung ndaej lai!" "Beixnuengx mwngz dwg byawz?" "Dwg mou!"

**Seiq. Raemxraiz Gyanghaet**

Ngamj bungz fwnmoenq doek,

Daeuj biengz loek haеuj ndoeng.

Ei baengh mbaw faexcoengz,

Ingj ndaej rongh ngoenz moq.

恰逢雨纷纷, 误落山林中。

依偎松枝叶, 映得新日辉。

(Aen sawcih daih' it moix coenz cauxbaenz

"NDEI".)

Haj. Va Maez Mbaj

Mbaj bae mboujcaengz ma,

Ndaw rumz va mbin doek.

Baenz namh ninz youq goek,

Iu mwngz loeg nyied daeuj.

蝶去未归, 风中花坠。

化泥于根, 六月再会。

(Gij sawcih youq seiq gak hot fwen neix, aen "m" ndaw "Mba", aen "a" ndaw "ma", aen "i" ndaw "Iu", aen "j" ndaw "daeuj", cauxbaenz "mai".)

**Roek. Doxlumj**

Cibngeih sengsiu geij duz lawz ceiq doxlumj?

Dwg "nou" caeuq "mou", "ma" caeuq "max".

**Mbu**

□ Vangz Civej / 黄志伟

Baedaq geij cien bi,  
Moix baez hai okdaeuj cungj baenzlai  
lwenqda.  
Lumj dahsau gingz daengloengz nei,  
Beiq gij gingjsaek seizcin.

Gou nyienh bienqbaenz duz mbaj raiz ndeu,  
Caeuq mwngz youq saek ngoenz haetromh  
doxbungz.  
Aeu ndik raemxraiz ndeu,  
Bae nyumxdiemj gij gyaеundeі mwngz.

Ndaw seizhah aenvih miz mwngz.  
Lumjbaenz engq liengzseuseu,  
Hawj goeng baed,  
Naengh dinghsdswd.

**Raemxgienghdat Dwzdenh.**

Yiz Ciz ingj

# Daengngoenz Baihdoeng Mbouj Rox Doek

—Cimh Riz Bak Bi Cungguck Gungcanjdangj

□ Cingh Swmungz / 清似蒙

Fanj "humx dwk" baez ngeih,  
Fwj laep deih dwglau,  
Bya lueg gyuem mokhau,  
Hwk vunz lau vunz yiep.

Bing gozginh haеuj bya,  
Lumj gyoengqma haеuj mbanj,  
Bingyak geij cib fanh,  
Roemx gyawz famh daengz gyawz.

Bing hungzginh hoenxcienq,  
Cienq gvaq bya youh bya,

Vunzdig da cix va,  
Deng yaeuh bya haеuj red.

Fanj "humx dwk" baez sam,  
Ban bouxdaeuz rox suenq,  
Yien ndaeng vunzdig cuenq,  
Nyauz luenh mbouj baenz bing.

Hungz seiq ginh okdaeuj,  
Moeb haеuj Vangzanh singz,  
Mied vunzdig ndaej hingz,  
Geiznding mbinyagyag.

Hungzginh ngeih ginhdonz,  
Lumj nda song gyoivenj,  
Hungzhuz Siengh' wzbenh (湘鄂边),  
Song denh(giz) baenz lailai.

Gyobaengh boux hojnanh,  
Gamhanh boux miz gwn,  
Gimq ngaek goengrengz vunz,  
Gag caux gwn caux daenj.

Daiq vunzmbanj vunzbya,  
Gauj reihnaz gwzming,  
Vih leih' ik beksingq,

Dajdingh vuenh aen mbwn.

Cunghyangh Suhcwngfuj,  
Ndaeј hainduј laebbaenz,  
De fatok singyaem,  
Lingh caux aen seiqqyaiq.

Hoenxcienq hoenx ndaeј hingz,  
Fwn dingz mbwn ronghsag,  
"Bouxswix" hemqvakvak,  
Ciengjcak daеuj guhdaeuz.